



Hebbe-Hebbe 2007 ta honra Sra. Imelda Eckmeyer-Bermudez pa su meritonan durante di su bida



Sabana Blanco 34-A Tel: 582-2709 / 582-4405
pazuid di Texaco na Wayaca



Bo a haci besteling di T-shirt nan di Carnaval caba wêl pasa na Marietje Printing nan ta print tur model, color y tema di T-shirt di Carnaval



Fundacion Mi Cutisa, na number di famia di Sra. Imelda Eckmeyer:

su casa Jacobo Eckmeyer, su yunan Ruby, Mavis, Voca y Yen, tur su nieto y nietanan, pero tambe na number di su sobrinu y sobrinonan, su dos cuñanan, algun di su comernan y becindario di Boecoeroei, kier yama danki, masha masha danki na e team-organizado di Hebbe-Hebbe Festival, kende a dedica e festival e aña aki na honor di Sra. Imelda Eckmeyer-Bermudez. Maske cu tur e elogio ta bai na Imelda Eckmeyer-Bermudez, Fundacion Mi Cutisa ta kere cu ta na su luga pa nos bisa algo di e historia di carnaval di Noord y nombra algun persona mas cu a yuda tene e carnaval aki bibo for di dia cu el a nace te cu e dia di awe, cu ta e dia di 43 celebracion di Carnaval di mucha na Noord. Nos por compara e Carnaval di mucha di Carnaval mecos cu e desaroio di un mucha cu a ser concebi den un 'reageerbuis', cu a crece na encargo di un 'draag moeder' y despues e mucha aki ta ser cria pa su mayoman adoptivo cu e sosten, cariño y amor di henter un pueblo. E mucha ta yega asina leu cu e ta haya proteccion di e comunidad completo di su pais.

Si nos sigui e historia aki den e contexto describi, nos por bisa cu Lily Luidens hunto cu defunto Elizabeth 'Chabe' Tromp-Bermudez a concebi e

Carnaval di Mucha di Noord den e 'reageerbuis' cu tabata e cumucu di Boecoeroei na aña 1965. Ora cu e cos a pega y bira serio nan a busca un 'draagmoeder' den forma di Sra. Imelda Eckmeyer-Bermudez, kende a carga e baby den su barica te ora cu el a nace. Despues e tambe a busca ayudo di diferente mama di crianza y henter e bario di Boegoeroei pa yude lanta e criatura. Tin algun persona cu durante e temporada aki tabata di suma importancia pa e desaroio y crecimiento di e mucha. E mamanan sin dolor aki tabata Frida Eckmeyer-Gomez (q.e.p.d.), Simona Dreischor, Maximina 'Chimina' Semeleer, Catharina Luidens y Stefanita 'Tity' Tromp, kende te dia di awe ainda ta carga su responsabilidad como mama di crianza. Sin nan ayudo e baby lo no por a sifia gatia te yega na cana. Segun e criatura tabata crece e gastonan pa su desaroio y mantencion tabata bira hopi. Pa e motibo aki un dia Sra. Imelda a dicidi di busca un set di mayor adoptivo pa su yiu y esaki ta e momento cu el a acerca directiva di Centro di Bario Noord pa tuma

na nan encargo e responsabilidad di sigui cria y guia e criatura aki den su desaroio. Te cu awor e carnaval ta asina grandi cu ta solamente mester percursa pa e tin di come y bebe tur aña. Paso ya el a pasa den tur su 'kinderziekten' caba.

Un persona cu sostiene e Carnaval di Noord hunto cu su team di voluntarianan tremendamente ta sr. Ovito Tromp, kende ta un di e padrasnan di mas grandi di e Carnaval di Mucha di Noord. Ta pesei na momento cu a dedica Hebbe-Hebbe Festival e aña aki na Sra. Imelda Eckmeyer-Bermudez, e ta alavez un homenage na tur e personanan cu a crea Carnaval di Noord, na tur esnan cu a cria y guia Carnaval di Noord te ora el a bira grandi y na tur persona cu ta cuida y proteha pa e keda semper na bida.

Aruba considera esaki manera un invitacion personal pa ta presente durante un anochi spectacular na unda un persona asina importante pa nos Carnaval ta wordo honra merecidamente. Wak e imagen nan di aña pasa y con bon nan a pasa e dia ey, bo no por keda afo!



Gluteos Perfectos

Un sesion solamente - Sin Dolor - Sin Ciriaza - Sin Cicatriz - Sin reduccion di bo capacidad - Sin efecto secundario ni prome ni despues - un resultado perfecto - garantia pa bida largo

Purbe y Conquista tur e Miradanan

Angel Skin Care Center

Katumastraat #25 - Pontoon
Tel: 588-2377 - 964-9988
745-0910 - 592-8461
LENNY RIEDER Cosmetista



Gosa den Carnaval?
Pone bo cas den bon man!

Pakete di Lease pa cas of negoshi

Afl. 115 pa luna

Yama 588-2612

